



**Peersjberiech  
van 't Gruutsj Jeugprinsepaar 2018  
van C.V. de Sjlaaibök-Amie**



Op zondag 21 jannewarie 2018 woort in Gemeinsjapshoes d'n Amyerhoof oetgerope tot:

**60<sup>ste</sup> Jeugprinsepaar van C.V. de Sjlaaibök  
Prins Tian d'n Iersjte en Prinses Esmée**

In 't jaor 2018 heit C.V. de Sjlaaibök de ier uuch 't Jeug Prinsepaar veur te maoge sjtèlle.

Prins Tian d'n Iersjte is de zoon van Vera en Ronald Boesten en woent same mèt zien awwersj, aan de Amyersjtraot Noord 142.

Prins Tian is iemes deej geziechsbepaolend is in 't vereinigingsleve in Amie. Heer is zier sjportief want edere week kin ste häöm vinde op de tatami van judoclub Amby. Beej Scouting Amby is heer ouch edere week en knoupe make en funkele beej 't kampvuur geit häöm good aaf. Ouch is heer al jaorelang de assistent habsjaar beej de vioele aksie van de Sjlaaibök. Heer is 'ne groete biestevrund, want de hoond Boris, de valkparkiete en de kneins boete hōbbe al ziene aandach. Prins Tian zal dit jaor aktief zien op de dansvloer met versjeidene denskes, geer kint dus allemaol mèt doen!

Prinses Esmée is de dochter van Karin en Michel Berghof en woent aan de Appelhegge 67, same mèt häör awwersj en groete zusters Anouck en Iris.

Zie is erg sjportief, want es fanatiek volleybalster beej de Jokers oet Hier veeg zie op 't volleybalveld heen en weer. Boete kint geer oze prinses dèks tegekome op de rolsjaats en op de trampoline.

Ouch deit ze geire mèt helpe beej 't koke en bakke.

Zoe es vāol van häör klasgenote is zie ouch dèks op de I-Pad bezig.

De kneinskes Pippy en Lilly zien thoes neet beej häör weg te sjloon.

Wandele deit zie ouch geire, mèt de vriendinne in de wandelvierdaagse van Amie.

Prins Tian I en Prinses Esmée zitte alle twee in groep 7 van Basissjaol Amie.

Zie goon uuch veur mèt hunne lach, oetsjtraling en sjportieve geis en sjpontaniteit en bouwe same aan de Amiese Karneval van 2018 es 60<sup>e</sup> Jeugprinsepaar. De luij van Amie zien gewaarsjouwd; want 't Prinsepaar 2018 van de Jeugkarneval zien twee kanjers die neet sjtèl kinne zitte en goon es Jeugprinsepaar 2018 same mèt 't Groet Prinsepaar alle bals in Amie bezeuke. Zie zalle mèt hunne sjlager "Trèk mèt ós mèt" ederein entamere veur de Amiese Karneval van 2018.



**TITELATUUR JEUGPRINSEPAAR 2018**

**PRINS TIAN I**

**Baron van de Amyersjtraot Noord tot aan de kèrk en weer terök**

**Graaf van de verkenners van Scouting Amby**

**Hertog van de judomatten**

**Markies van You Tube felmpkes en de bordsjele**

**Joonkhier van de gezelligheid**

**Besjermingel van de grappe, grolle en de gooj zin**

**PRINSES ESMÉE**

**Gravin van de Appelhegge tot 't sjaolplein**

**Barones van 't volleybalveld**

**Joonkvrouw van de boeteloch**

**Technies sjpecialist van de kunste op de rolsjaats en trampolien**

**Inspektriесе en oetveurster van 't kulinaire gebäöre**

**Besjermingel van alle prinseleke kneinskes**